

Cepthar 1 - Dheráibar Laisén Hasel Gorá

Ekkar furafuri dheráibar laisén hasel goribolla tinnan tobka ase.

1. Learner Permit (Cíkoyar Ejazotor) Emtan ót kamiyab wáforibo (iba uggwa likító emtan).

Learner Permit ye yían loiyare uggwa 21 bosóror beci boc wala dheráibar laisén óla ekzonor negranimmaze garísala cíkiyar mouka díbo. Hoicca fuaindolla Juniar Cíkoyar Ejazot (Junior Learner Permits) ót aró pabondi ókkol ase. Mocóra oílde 50 gondha prektis goron, beíl uçar baade homazhom 15 gondha.

2. Laisénor Age 5 gondhar Kús loíba (zeçe ekkar sáthi-fikéth ziyan rastar emtanot aíbolla laíbo)

Oñne Learner Permit faibade e kús íba fura goron zoruri.

3. Thaim theból thik goro adde Rastar Emtan do.


Rastar Emtanot 15 minith andaz laíbo. Laisén faíya negranigoroíya 21 or beci boícca dheráibaror zoriya rastar emtanot aíyo. Garir registrecon adde incurens hamaha yaar woforibo. Oñnor ejazot gan adde laísensor age 5 gondhar kús or sáthi-fikéth aínno. Ejazot ólar fuñwati ekzon taalimdoíya soríbo ar negrani sara dheraibar gari salaífare ne emtan goríbo. Zodi dheraibar rastar emtanot kamiyab oíle dheraibar negrani sara gari salaibar layek oíbo ar hítare furafuri laisén diya zaíbo. (Hoicca fuaindolla Juniar Laisén ót aró pabondi ókkol taíbo- dheraibaror ménuel soo)

Dheraibar ókkolor zimma taíbo muktalif kisimor sinno ókkol forok gorifaron adde ííne oñnore ki góitto hoo buzoon. Sinno ókkololla Ingilicot asede lofzo hísafe forok hoífaribar kabel oñnottú hamaha woforibo.

AIDHI KAÁDH LOI
GARI NO SALAÍBA – Laisén sara gari salon
NYS or Gari adde Rastar Kanun bañga oíbo.

EKKAN CÍKOIYAR EJAZOT LOI Oñne likíta emtan fasgoíjjo.
CUDE 21 BOSOROR BECI BOÍCCA LAISÉN FAÍYA
UGGWA DHERAIBAROR NEGRANIT GARI SALAÍFARIBA
Ejazot óla eka eka gari salaíle NYS or Gari adde Rastar
Kanun bañga oíbo.

21 BOSÓROR BECI BOÍCCA DHERAIBAR LAISÉN LOÍ
OÑNE RASTAR EMTANOT KAMIYAB OÍYO AR OÑNE
NEGRANI SARA GARI SALAÍFARIBA (Zodi laisén
faíbar 6 macor bútoore rastar kessú kanun bañgibar
duc goílle gari salaíbar laisén uggwa muddot fan
moukuf goribo yá batel goribo.)




AIDHI KAÁDH
(Identification Card)

Dheraibar noode Aidhi Kaádhe
úggwa soloiyar negaranir maiddóme
Non Driver Identification - Over 21


Dheraibar noode Aidhi Kaádhe oñnor foriso yá
oñnor thíkana sínito modot goríbo.

línor zoriya oñne gari salaí
nofariba.



CÍKOIYAR EJAZOT
(Learner Permit)

Cíkóiyar Parmíth -
úggwa soloiyar negaranir maiddóme
Learners Permit - Over 21



DHERAIBAR LAISÉN
(Driver License)

Boc 21 bosór or uorór Soloiyar Laisén
Drivers License - Over 21



Zodi oñne honó mikka lorí gíloi NYS DMV re Change of Address Form (MV-232) ót ciçir zoriya zana foribo. Oñnottu Aidhi, Ejazot yá Laisén or fisor dhakottu asede zagat noya thíkana leke foribo.

Oñnottu zodi oíno honó estheith yá décor kanuni laisen taíle ar oñne hé estheith yá décor bacinda oíle oñne kanuni bafe New York State ót gari salaí fariba. (Oñne zodi ekzon refuji adde oíno honó décor laisén taíle hé laisén gan New York State ót kanuni noíbo. Kanuni bafe gari salaíbolla oñnottu fura laisénor karwai mana foribo.)

Zodi oñne oíno estheith ot laisén faíyode oíle ar New York State or bacinda bonigílo oñnottu New York State or bacinda bonibar 30 dinor bútoore New York State or dheraibar laisén ólla hamaha dorhás goraforibo.

THAIM THEBÓL THIK GORO ADDE RASTAR EMTAN DO:

Oñnor Dheraibar Laisén faibolla thaim theból thik goro adde oñnor Rastar Emtan do: Oñne eçe maana onlainot rejisthar gori faríba <https://roadtest.dmv.ny.gov/Default.asp>

Oñnor Rastar Emtan do. Oñnor epuainmén ot diya thikanat zoo. Sóore zaíba. Oñnottu oñnor ejazot, Laisénor Age KúSOR Sáthi-fikéth ana foribo, ekzon laisén faíya 21 bosoror beci boicaa dheraibar oñnore salaibo. Garir obosta bála woforibo, yaar rejisthar goijja, cek goijja adde insurens goijja woforibo.

Zodi oñne rastar emtanot nakam oíle.	Zodi oñne rastar emtanot kamiyaab oíle.
Taalim doya ye oñnore kiyolla nakam oiyode yian leká pinth díbo. (Yían ekkkan mudir dukanor rocit or dhoil lagibo)	Ciçir zoriya furafuri laisén aiyefan oñnore ekkkan toítta laisén diya zaíbo.
Bout maince foilabar nakam oo. Oñne fic doon sara dusarabar mouka faiba. (Dusarabar cestar baade oñnotti rejisthar goribolla uggwa Email thíkana laibo ar \$10 hossá oíbo.)	Oñnottu 6 macor forikkor muddot taibo ar eçe bútoore kanunor khelaf goílle gari salaibar hok no taibo.
MVRCR Rastar Hefazoti Program ot rocit gan aníba. Añára oñnore ki soíyi goraforíbo yían zaníto modot goíjjum.	Har rastar niyom kanun maníbolla oñnor zimma taíbo.
Aro garisalá prektis goró adde ham noo gorede cíz gin thíkgoro.	Zani raikko de oñnottu gari salaibar hok no taibo.
Abbar emtan dibolla rejisthar goró.	Zodi oñne honó thiket faile oñnottu he mosóla hool goríbolla zoruri karwaí lowa foríbo. Bout maince modot goríbolla uggwa úkil keríya gore.

Hoddur antaz negranir matahátot prektísor gari salá añttú rastar emtan díbar age goraforíbo?

Zodi oñnor boc 18 bosóror hom oíle, oñnottú rastar emtan díbar age

- homazhom 50 gondha negranir matahátot gari salar prektis gora foríbo
 - zeçe (beil uçar baade) homazhom 15 gondha
 - homazhom 10 gondha mazíla oíte bári garit
- rastar emtanolla Negranir Matahátot Gari salar Tosdik (MV-262) [3] ana foríbo ziyar oñnor maabaf yá garjene yían tosdik goríbolla fura goríbode oñne negranir matahátot gari salar zoruri gondha ókkol fura gojjo (oñnottu MV-262 gan laisén loiyare diyá foríbo zehon oñne fottíbar rastar emtan doo)

Añára mocóra didde har kisímor bocor **har dheraibarottu** e mikdar adde kisímor prektís goraforíbo. Añára aró mocóra didde oñne dheraibaror taalimi kús yá fecadari gari salar sébok ókkol hasel goríba.

Mothorsaíkelor ejazot ólla aro córto ókkol ase. Eçe soo Get a motorcycle license (Ekkar mothor saíkelor laisén hasel goró) [4].

Añár rastar emtanolla añañttu ki prektís gora foríbo?

- **Sala kontrulot rakon:** Sala kontrulot rakíba oñne ki samner mikka úzu soloor, fíror yá fissá door .
- **Espidh baroon:** Thikbafé adde mazíla bafé espidh baraíba. Enjínore noo duñraíyo yá támai noo raíkko.
- **Brek goron:** Garíre astegori támaíba. pozicon támaíbar age brek bálagori cúru goríba zené acanok táma noó. Rastar munasef poziconot oñnor garí táma takit goríba.
- **Klac/Gíar:** Har wokto oñnor garir soíyi gíar takit goríba. Honó automethik yá ménuel zaga lorar zoriya, munasef woktot munasef gíarot zaíba zeçe gíarore no bañgiba.
- **Espidh:** Hamaha, lekídiya espidh limith maníba, lékin mousum, rasta, dehazon adde trafikor mockilot munasef bafé espidh bodóli faríba.
- **Samne zaíbar fásela:** Oñnor gari adde oñne zinor mikka zoor iínor dormayan káfi zaga "maháfuz fásela" rako. Dheraibaror Ménuelot boíyan gojja "samnor garittú dui sékon antaz dúre taíbar kanun" amol goríba. Hóraf mousum yá dehazonor mockilot oñnor samne zaíbar fásela hamaha baraíba.
- **Trafikor sinnó, signal adde dag ókkol:** Rastar sinnó, signal adde dag ókkolor maani gin bálagorí buzíba adde hébafé maníba.
- **Támaíbar pozicon:** Zodi táma foille, oñnor garíre uggwa soómunir rastar foñsibar age támaíba. Zodi támaíbar daír yá haçibar sínno taíle, iínore faraízaíbar age támaíba. Zodi haçibar sínno físe támai baade oñnor deha blók oíle, samnor mikka zaat takíba zetokkon oñne nízor rasta safgori no deho, tarbade zorurot oíle támai faríba.
- **Rasta foston goron adde pozicon:** Munasef trafik rastat oñnor gari rakoo, kásgori zehon guraíbar toíyari loo. Oñne zemikka gúror híkka arekkan garire zaíto zaga noo díba.
- **Zanaí diya:** Oinno dheraíbar adde footor háçoiya ókkolore oñne hon rastar mikka zaíba yían zanaí díba. Oñne hon mikka zaíba yíanor signél yá hóron thikbafé adde munasef woktot estemal goríba.
- **Nozordari gora:** Oñnor acepace rastammaze zehono mumkin mockil yá mosíbot kíyal goríba adde buzi loíba – cúde samnor úzu úzu noí, bolke nízor fissá adde fottí saídhót yo kíyal raíba. Oñnor aína bar bar cek goríba, lékin zehon rasta bodolaíba yá fissá zaíba oñnor físoñttú hador ouré hamaha saíba.
- **Antaz goríba ar karwai sinta raíba:** Oinnozonor mumkin gari salar búl ókkol antaz gojjo ar he búl gin thík raíto maháfuz bafé ham goríbolla toíyar taíba.

RASTAR EMTANOR MOCÓRA ÓKKOL

Homazhom 30 minith age aíba.

Oñnor epuainmén ór thaím- 30 minith = Foñsibar thaím _____

Mumkin KÓVIDH 19 ór karwaí ókkol

Oñnor epuainmén batel gorí abbar thaím loíba zodi oñne bíaram foille, KÓVIDH 19 oíle, gazzor oíle, KÓVIDH 19 ór zagat gíyode oíle, aísulecon yá kwárenthaín goitto hoíle.

Mask fiñdo (oñne nize adde oñnor negrani gorouya dheraíbar)

Oñne foñsile oñnor themperocar saíbo

Oñnottu mumkin bíaram adde/yá KÓVIDH 19 or zagat zaa baabote ekkan sárver juwab díya foríbo.

Oñnottu emtan loíya aíbar age vaíres dur gorede fuñsoni loi pasinjaror dhakor síth saf gorí rakáforíbo

Yaad goraídon- Oñnor fuñwati aníba:

- 1. Kanuni NYS Ejazot
- 2. Laisénor-agor Klásor 5 Gondhar Sáthi-fikéth
- 3. Laisén faíya 21 bosóror bec boc óla ekzon NYS laisen óla dheraíbar
- 4. Garir rejistrecon adde incurens yaar de yían tagit gora

Taalim douyar ejazot loí oñne dheraíbaror síthot zaíba

FOÍLA GORÍBADE JINIC GAN OÍLDE OÑNOR SÍTH BELTH FIÑDÍBA!

Yarbade aína adde oñnor síth mílai loíba.

Tarfor, enjin esthath díba.

Rastar Emtanor Emtan Loiya ye oñnottu ki goraforíbo híyan buzaibolla átor signal yó estemal gorít fare.

Rastar Emtanor Taalimat Foooro zin fuñwati díyagiye.

Rastar Emtanot 15 minith antaz laítfare – Oñne zaíbar age Rastar toríka gin Saíba.

- Oñnottu fottí espidh limith adde trafíkor niyom ar sinnó ókkol hamaha maná foríbo. Utica ót espidh limith oíle 30 maíl/gondha
- Oñnottu maháfuz Yu-Tharn, adde Fatáijja Garí Tía Gora foríbo. E máheri gin goríbccot honó beñha laínor mikka oure no zaíba.
- Gúraibar age signél díba, oñnor aína cék goríba, noo-deho zaga saíbolla handor oure saíba.
- Átor pozicon hamaha 9:00 adde 3:00 pozicon woforíbo. (Gúraíbar comoi átoore dhuwáñr outti kros no goíjjo)